

聖賢像贊

二冊



08394

啟聖王孔氏

名叔梁紇嘗為魯陬邑大夫初娶施氏生九女其妾生孟友字伯尼有足

疾不任祀事乃求婚于顏氏顏有女名其幼曰徵在父問曰陬大夫父祖為卿主實先聖王之裔三子孰能為之妻徵在進曰從父所制將何問焉父曰即爾能矣遂妻之禱于尼山生孔子



聖賢像贊

十一

宋尚書右丞呂祖謙贊

老陽禔陰

乾來乞坤

神枝聖葉

於焉托根

令陬匪貴

誕聖惟尊

尼峯一撮

開天下門

皇明山東布政司理問呂元善贊

上世殉忠

書及孔父

忠必有後

肩開萬古

尼山乞靈

斯文得祖

繼匹禮隆

倡風於魯

宋真宗大中祥符元年追封齊國公元文宗至順

元年加封啟聖王

明世宗嘉靖九年改稱啟聖王孔氏

先賢孔氏

字孟皮家語一字伯尼山東兗州府曲阜縣人至聖孔子之兄



聖賢像贊

十九

宋呂祖謙贊

大哉伯尼

惟聖之兄

麟紱徵瑞

播厥先聲

元愷濟美

達迺並榮

啟聖堂上

俎豆常盈

明呂元善贊

元公無兄

姚虞無弟

誰似爾賢

弟聖之至

名高古今

壽同天地

俎豆常新

永享萬世

國朝咸豐七年入啟聖祠

宋米芾贊

生民以來

才不世出

天地鍾靈

匪伊一日

明德之後

幽光猶鬱

嗚呼孟皮

乃遭斯疾

先賢顏氏

名無繇字路山東兗州府曲阜縣人少孔子六歲生復聖顏子



聖賢像贊

三

宋高宗紹興十四年御製贊

人誰無子

爾嗣標奇

行爲世範

學爲人師

請車誠非

顧非其私

千載之下

足以示慈

宋大中祥符二年給事中丁謂贊

素王將聖

實爲我師

顏子殆庶

趨庭學詩

請車無媿

陋巷安卑

追榮侯服

逢此上儀

唐玄宗開元二十七年從祀孔廟追封杞伯宋真

宗大中祥符二年加封曲阜侯元順帝元統三年

加封杞國侯

明世宗嘉靖九年改稱先賢顏氏遷配啟聖祠

先賢曾氏
名點字子皙山東兗州府嘉祥縣人少孔子六歲生宗聖曾子



聖賢像贊

三

宋高宗紹興十四年御製贊

惟時義方 有子誠孝 怡怡聖域 俱膺是道

暮春舞雩 詠歌至教 師故與之 和悅宜召

宋大中祥符二年給事中丁謂贊

侍坐魯堂 各言其志 舍瑟而作 超乎冉季

浴沂舞雩 咏歌道義 遇我慶成 錫壤進位

唐玄宗開元二十七年從祀孔廟追封宿伯宋真

宗大中祥符二年加封萊蕪侯

明世宗嘉靖九年改稱先賢曾氏遷配啟聖祠

先賢孔氏

名鯉字伯魚孔子之子也孔子十九歲娶于宋之亓官氏二十歲而生鯉是年初仕魯為委吏適昭公以二鯉魚賜孔子榮君之貺因名焉年五十先孔子卒生述聖子思子



聖賢像贊

三十一

宋尚書右丞呂祖謙贊

東魯門中 嘉此名胄 有為之先 更為之後

既勤析薪 且克荷負 兩聖一身 終古誰偶

皇明山東布政司理問呂元善贊

天衍聖脉 生惟戊辰 公錫巧會 三十六鱗

學詩學禮 過庭之勤 後顏而沒 請車胡云

宋徽宗崇寧元年追封泗水侯度宗咸淳三年從

祀先聖廟庭

明世宗嘉靖九年改稱先賢孔氏配享啟聖祠

先賢孟氏

名激字公宜娶仇氏生亞聖子孟子



聖賢像贊

三三

宋尚書右丞呂祖謙贊

人孰無妻

配宣獻氏

人孰無兒

得亞聖子

身寧曰齊

肖非云似

雖短其年

而永其嗣

皇明山東布政司理問呂元善贊

公宜茂歲

胡蚤委枯

婦嗟未亡

嗣云藐孤

三遷聖善

七篇典謨

不知其子

視其父乎

元仁宗延祐三年追封邾國公

明世宗嘉靖九年改稱先賢孟氏配享啟聖祠

按魯之以孟孫稱者多矣而今之祀典皆曰孟

孫氏不近汎與改而正之可也

先儒周氏 名輔成周子敦頤之父



聖賢像贊

從祀啟聖祠

三四

皇明山東布政司理問呂元善贊

門高汝南 家開營道 六舉奏名 桂飛蓋早

鄭女繼唐 實生儒孝 通書成編 濂溪光耀

皇明禮部祠祭司主事呂一經贊

名飛道州 里推張楚 昆季聯翩 偕登縈廡

祥符登榜 桂稱明府 推恩建議 父子千古

宋真宗大中祥符八年蔡齊榜六舉以上特奏名

賜進士出身終賀州桂嶺令累贈建議大夫明神

宗萬曆念羣禮部覆湖廣巡撫郭維賢本奉聖旨

是周輔成淮從祀啟聖祠稱先儒周氏

先儒程氏各珦字伯溫二程子顥頤之父其先世喬伯焉周大司馬封于程國以爲氏曾祖羽贈太子少師祖希振任尚書虞部員外父適皇贈開封府儀同三司吏部尚書伯溫四世而上居中山之博野曾祖太宗朝以輔翊功顯賜第京師居再世祖而下墓河南遂爲河南人



聖賢像贊

從祀啟聖祠

三五

皇明山東布政司理問呂元善贊

大中舊德 嘖有休聲 黃陂滙潔 漢上風清

塔庭玉樹 二程先生 淵源有自 洛水澄泓

皇明南京戶部右侍郎呂維祺贊

涉隨有編 子明著作 洛下耆英 潞公同甲

余世新安 情交翰博 道味漸滂 流風淹洽

宋仁宗錄舊臣後以伯溫爲黃陂尉遷知龔州徙

知磁州又徙漢州累轉大中大夫明世宗嘉靖九

年從祀啟聖祠稱先儒程氏

先儒朱氏

名松字喬年朱子熹之父也朱氏為婺
源著姓以儒名家世有偉人喬年登進
士第除秘書省正字轉校書郎遷著作郎以御
史中丞常同薦除度支員外郎史館校勘歷司
勲吏部郎出知饒州有文集行于世



聖賢像贊

從祀啟聖祠

三六

皇明山東布政司理問呂元善贊

喬年之學

得自龜山

河洛之秘

更垂兩間

打透誠意

自欺非關

有子元晦

曾孟同班

皇明太僕寺少卿呂濬贊

圖書探奧

古先聖賢

意誠得地

佩韋傲偏

屬子三友

別有心傳

徽國之儒

父有訓焉

宋徽宗宣和間松為福建延平府尤溪縣尉高宗

建延四年生熹于尉之官舍元順宗二十二年追

封齊國公明世宗嘉靖九年從祀啟聖祠稱先儒

朱氏

先儒張氏 名迪張子載之父陝西鳳翔府郿縣人



聖賢像贊

三

明呂元善贊

靈鍾之瑞 有開必先 西銘傳世 當不其然

涪州記績 郿邑終天 配享孔氏 億萬斯年

明呂濬贊

橫渠之先 世濟其美 神遊郿都 蹟留涪水

承先有志 啟後維則 正蒙傳教 聖道無虧

國朝雍正二年入啟聖祠

明陳鳳梧贊

東西二銘 孰啟其傳 偉哉橫渠 有開必先

由末探本 因流溯源 明禋有典 敢不致虔

先儒蔡氏 名元定字季通蔡子沉之父



聖賢像贊

從祀啟聖祠

二十六

皇明山東布政司理問呂元善贊

器含孔孟 功階邵張 勤爭五夜 朋來四方

洪範之數 獨發其藏 父得傳子 尚書允臧

皇明吏部進士呂化舜贊

牧堂穎悟 擷秘搜奇 西山絕頂 忍饑啖齏

雖薦於朝 堅以疾辭 躬率淵沉 手把鋤犁

宋寧宗嘉定三年贈迪功郎諡文節學者尊之曰

西山先生所著書有大衍詳說律呂新書燕樂原

辯皇極經世太玄潛虛指要洪範解八陣圖說明

世宗嘉靖九年從祀啟聖祠稱先儒蔡氏

先賢公孫子

名僑字子產春秋鄭公族大夫



聖賢像贊

二九

闕里孔尚任贊

卓哉公孫

道合君子

恭敬惠義

于焉有四

遺愛稱賢

衆母著美

當時無雙

永享厥祀

國朝文宗咸豐七年考正祀典從祀孔廟稱先賢

公孫子

先賢蘧瑗 名瑗字伯玉衛輝府人



聖賢像贊

三

宋高宗紹興十四年御製贊

有衛伯玉

夫子與居

寡過未能

薦贊使乎

以屍諫君

友則史魚

果得進賢

爛然簡書

宋大中祥符二年行太常博士崔遵度贊

達哉君子

外寬內正

好禮直躬

衛風斯競

瑞命昭錫

元符報慶

俾執信圭

千齡遇聖

唐玄宗開元二十七年從祀孔廟遣封衛伯宋真宗大中祥符二年加封內黃侯明世宗嘉靖九年以孔子之所嚴事者不當在弟子列改祀于鄉

國朝世宗雍正二年復祀

先賢林放

字子丘山東兗州府人



聖賢像贊

三

宋高宗紹興十四年御製贊

禮之有本

子能啓問

大哉斯言

光昭明訓

德輝泰山

誣祭能奮

崇茲祀典

盡永令聞

宋大中祥符二年主客郎中刁衍贊

子丘明哲

道洽素風

問禮之本

爲儒所宗

東嶽稱美

長山表封

云亭告畢

慶澤薦隆

唐玄宗開元二十七年從祀孔廟追封清河伯宋

真宗大中祥符二年加封長山侯明世宗嘉靖九

年以家語史記俱不載弟子列改祀于鄉

國朝世宗雍正二年後祀

先賢澹臺子

名滅明字子羽山東兗州府費縣人少孔子三十九歲



聖賢像贊

三

宋高宗紹興十四年御製贊

維子有道

天與異容

狀雖云惡

德則其豐

南止江沱

學者雲從

取士自茲

貌或非公

宋大中祥符二年戶部尚書溫仲舒贊

不由徑行

其直可貴

不私見人

其公可畏

擊蛟既勇

毀璧且義

紀號益封

旌厥賢士

唐玄宗開元二十七年從祀孔廟追封江伯宋真

宗咸平三年加封金鄉侯

明世宗嘉靖九年改稱先賢澹臺子

先賢原子

名憲字子思河南歸德府商城縣人少孔子三十六歲



聖賢像贊

宋高宗紹興十四年御製贊

三

式彼窮閭

達士所賓

邦無道穀

進退孰倫

敝衣非病

無財乃貧

賜雖不悻

清節照人

宋大中祥符二年行尚書右丞向敏中贊

賢哉子思

介然清淨

貧惟固學

道乃非病

衣冠忘敝

草澤遂性

升中進秩

垂芳尤盛

唐玄宗開元二十七年從祀孔廟追封原伯宋真

宗咸平三年加封任城侯

明世宗嘉靖九年改稱先賢原子

先賢宓子

名不齊

字子

賤

山

東州府曲阜縣

人少孔子

四十

九

歲

先

賢燕

子

名伋字子思山

東兗州府人

聖賢像贊

宓不齊



宋高宗紹興十四年御製贊

君子若人

傳郭勿獲

天生良材

若人致逸

唐玄宗開元二十七年封

宗咸平三年加封單父侯

明世宗嘉靖九年改稱先賢宓子

燕伋

宋高宗紹興十四年御製贊

師席高振

善教云褒

入九之徒

鍾靈咸鏞

唐玄宗開元二十七年封

宗咸平三年加封沂源侯

明世宗嘉靖九年改稱先賢燕子

單父之政

引肘寤君

放魚稟令

用規觀聽

三四

先賢南宮子 名适字子容山東兗州府人曾孟僖之子居南宮因姓焉孔子兄孟皮之婿



聖賢像贊

三五

宋高宗紹興十四年御製贊

先覺既位 簪履並馳 尚德君子 爾乃兼之

昇冕可慚 禹稷可師 三復此道 載觀白圭

宋大中祥符二年戶部尚書寇準贊

南容君子 尚德聖門 有道不廢 危行遜言

白圭三復 執慎思存 慶成旌善 胙壤佳藩

唐玄宗開元二十七年從祀孔廟追封郟伯宋真

宗咸平三年加封龔丘侯徽宗政和六年改封汝

陽侯

明世宗嘉靖九年改稱先賢南宮子

先賢公治子 名長字子長山東青州府諸城縣人孔子之婿也嘗陷於縲紲夫子謂非其罪按匡章非孟子遂為不孝之子公治長非孔子遂為有罪之人噫天下之不過聖賢者亦衆矣



聖賢像贊

三

宋高宗紹興十四年御製贊

子長宏度 高出倫輩 雖在縲紲 知非其罪

繩德備行 夫子所采 以子妻之 尤知英槩

宋大中祥符二年行尚書右丞向敏中贊

德行貞純 公治孰倫 本非其罪 枉拘厥身

魯堂推善 孔門配姻 俾侯之貴 久而彌新

唐玄宗開元二十七年從祀孔廟追封莒伯宋真

宗咸平三年加封高密侯

明世宗嘉靖九年改稱先賢公治子

先賢公皙子 名哀字季次山東濟南府人



聖賢像贊

三七

宋高宗紹興十四年御製贊

周衰僞隆 政在郡公 廉恥道微 家臣聿崇

不爲屈節 攜默自容 子於是時 凜然清風

宋大中祥符二年戶部尚書寇準贊

賢哉季次 履潔居貞 卷懷不仕 家臣是輕

素王攸嘆 式昭令名 封巒均慶 侯社疏榮

唐玄宗開元二十七年從祀孔廟追封鄖伯宋真

宗咸平三年加封北海侯

明世宗嘉靖九年改稱先賢公皙子

先賢漆雕子

名開字子若河南汝寧府汝陽縣人少孔子十一歲



聖賢像贊

三六

宋高宗紹興十四年御製贊

仕進之道

要在究習

具臣而居

咎欲誰蓋

斯未能信

謙以自立

闕里說之

多士莫及

宋大中祥符二年翰林學士李宗諤贊

闕里之堂

邈矣難造

猗歟子若

實覩其粵

學優當仕

非乃攸好

明祀益封

式稽古道

唐玄宗開元二十七年從祀孔廟追封滕伯宋真

宗咸平三年加封平輿侯

明世宗嘉靖九年改稱先賢漆雕子

先賢高子

各柴字子羔河南衛輝府輝縣人齊敬代孫也少孔子三十歲



聖賢像贊

三五

宋高宗紹興十四年御製贊

婉彼子羔 受業先聖 宗廟之間 一出乎正

克篤于孝 非愚乃令 師知其生 有輝賢行

宋大中祥符二年守給事中晁迥贊

猗歟子羔 孝心篤矣 慎終銜恤 未嘗見齒

難能而能 君子知己 考古褒崇 於斯為美

唐玄宗開元二十七年從祀孔廟追封共成伯宋

真宗咸平三年加封共成侯

明世宗嘉慶九年改稱先賢高子

先賢樊子

名須字子遲山東兗州府人少孔子三十六歲

子遲山東兗州府人少孔子三



聖賢像贊

罕

宋高宗紹興十四御製贊

養才以道

聖人兼濟

始謂非仁

問辯良喜

寓志農圃

似睽仁義

學稼之辭

豈姑舍是

宋大中祥符二年兵部員外郎楊億贊

學優乃士

齒于家陪

戒車為右

誓衆靡回

質疑辯問

仁智既該

建侯追榮

垂裕方來

唐玄宗開元二十七年從祀孔廟追封樊伯宋真

宗咸平三年加封益都侯

明世宗嘉靖九年改稱先賢樊子

先賢司馬子

名耕字子牛河南歸德府商丘縣人



聖賢像贊

聖

宋高宗紹興十四年御製贊

手足甚親 志異出處 雖將為亂 子迺脫去

在污能潔 危而有慮 內省若斯 何憂何懼

宋大中祥符二年兵部員外郎楊億贊

仁遠乎哉 其言也詔 虛往實歸 孰思旁訛

遠難迷邦 奚虞悔吝 疏爵丁辰 寵名以峻

唐玄宗開元二十七年從祀孔廟追封向伯宋真

宗咸平三年加封楚丘侯徽宗政和六年改封綏

陽侯

明世宗嘉靖九年改稱先賢司馬子

先賢商子 名澤字子季 山東兗州府人



聖賢像贊

三

宋高宗紹興十四年御製贊

邈矣子季 睢陽是伯 屏息受業 延教登席
未踐四科 固涉六籍 祀典載之 好是正直

宋大中祥符二年主客郎中刁衍贊

子季從師 服膺儒雅 闕里垂名 同於達者

昔寵睢陽 今旌鄒野 運偶登封 薦臻純嘏

唐玄宗開元二十七年從祀孔廟追封睢陽伯宋

真宗咸平三年加封鄒平侯

明世宗嘉靖九年改稱先賢商子

先賢巫馬子

名施字子期河南開封府陳州人少孔子三十歲



聖賢像贊

四三

宋高宗紹興十四年御製贊

天清日明

蜜雲曷有

師命持蓋

子赤善担

惟夫子博

三才允究

學者之樂

所得遂茂

宋大中祥符二年吏部侍郎趙昌言贊

英英子施

受天和氣

名登魯堂

位沉周季

猶勤戴星

庇民爲治

讓德進封

垂芳百世

唐玄宗開元二十七年從祀孔廟追封鄆伯宋真

宗咸平三年加封東阿侯

明世宗嘉靖九年改稱先賢巫馬子

先賢梁子 名鱣字叔魚山東兗州府人少孔子二十九歲



聖賢像贊

四四

宋高宗紹興十四年御製贊

室家壯年 無子則逐 見於信史 全齊之俗

原本厥初 師言可復 以學則知 揆之宜篤

宋大中祥符二年戶部員外郎周起贊

立聖舊邦 森然精爽 於惟子魚 式瞻遺像

紀號停鑾 侯封錫壤 儒道有光 百王所仰

唐玄宗開元二十七年從祀孔廟追封梁伯宋真

宗咸平三年加封千乘侯

明世宗嘉靖九年改稱先賢梁子

先賢顏子

名辛字子柳山東兗州府曲阜縣人少孔子四十六歲



聖賢像贊

四五

宋高宗紹興十四御製贊

孰封于蕭

實惟子柳

夙欽格言

克遵善誘

明德斯馨

賢業所就

以侑於儒

傳芳逾茂

宋大中祥符二年戶部員外郎周起贊

增封雲嶺

詔躡曾堂

顯允君子

令儀有章

英槩如挹

德音不忘

橫亘千古

淳風載陽

唐玄宗開元二十七年從祀孔廟追封蕭伯宋真

宗咸平三年加封陽穀侯

明世宗嘉靖九年改稱先賢顏子

先賢曹子

名卬字子循河南汝寧府人少孔子五十歲



聖賢像贊

四六

宋高宗紹興十四年御製贊

肅肅曹伯

王室之裔

積習樂道

切嗟明義

惟善則至

爾德是類

史筆有煥

令名永紀

宋大中祥符二年兵部員外郎楊紳贊

三千孔徒

七十賢者

子循服道

聖門之下

笙簧經籍

輔翼儒雅

爵焉蔡侯

名器匪假

唐玄宗開元二十七年從祀孔廟追封曹伯宋真

宗咸平三年加封上蔡侯

明世宗嘉靖九年改稱先賢曹子

先賢冉子

名儒字子

魯山東兗州府人少孔子五十歲



聖賢像贊

四七

宋高宗紹興十四年御製贊

紀伯子魯

聖學是務

厲已斯約

好問乃裕

周旋中規

容止可度

允矣昔賢

後世所慕

宋大中祥符二年戶部郎中李維贊

聖人之道

一以貫之

允矣子魯

堂奧斯窺

惟帝登岱

克陳上儀

追封侯社

沂水之湄

唐玄宗開元二十七年從祀孔廟追封紀伯宋真

宗咸平三年加封臨沂侯

明世宗嘉靖九年改稱先賢冉子

先賢伯子

名虔字子哲山東兗州府人少孔子五十歲

十歲



聖賢像贊

四六

宋高宗紹興十四年御製贊

有懷子析

全魯之彥

儒行既名

聊伯乃建

兢兢受道

奕奕峩弁

懿選嘉封

世享馨薦

宋大中祥符二年兵部員外郎王曾贊

肅肅魯堂

佻佻闕里

伯氏達者

克肖夫子

運偶慶成

禮崇追美

後學式瞻

高山仰止

唐玄宗開元二十七年從祀孔廟追封聊伯宋真

宗咸平三年加封沐陽侯

明世宗嘉靖九年改稱先賢伯子

先賢鄭子

名國字子徒聖里志作薛邦山東兗州府人



聖賢像贊

四五

宋高宗紹興十四年御製贊

伯夫滎陽

實惟令德

優入聖門

過不留迹

道以目傳

妙則心識

猗歟偉歟

後代之式

宋大中祥符二年行太常博士陳知微贊

懿彼子徒

挺生闕里

日遊聖門

躬授微旨

德音孔昭

令聞不已

疏爵胸山

式旌遺美

唐玄宗開元二十七年從祀孔廟追封滎陽伯宋

真宗咸平三年加封胸山侯明世宗嘉靖九年改

稱先賢鄭子

先賢原子

名九字子籍山東兗州府人



聖賢像贊

五十

宋高宗紹興十四年御製贊

原氏子籍

從尼父遊

潛心墳典

其業允修

出言可式

入聖則優

樂平寵襲

克振儒流

皇明山東布政司理問呂元善贊

陪杏之壇

有憲與亢

曾衛弟兄

處若家巷

倘聞其問

亦不多讓

邑食萊蕪

清操有樣

唐玄宗開元二十七年從祀孔廟追封萊蕪伯宋

真宗咸平三年加封樂平侯明世宗嘉靖九年改

稱先賢原子

先賢狄子 名黑字子皙河南衛輝府人



聖賢像贊

五

宋高宗紹興十四年御製贊

仰止狄皙 抱負淵通 游泳德化 楊厲素風

偉識既異 持教乃隆 厥志茂焉 岌祀無窮

宋大中祥符二年行太常博士姜嶼贊

矯矯子皙 來學有方 依仁游藝 攝齊升堂

羽儀先聖 物色上庠 林慮錫壤 百世之光

唐玄宗開元二十七年從祀孔廟追封臨濟伯宋

真宗咸平三年加封林慮侯明世宗嘉靖九年改

稱先賢狄子

先賢子蔑子

名忠字子蔑孔子兄孟皮之子



聖賢像贊

五十一

宋高宗紹興十四年御製贊

惟子挺生

道德之門

佩服至論

鯉則弟昆

三得三已

所問殊溫

君子歸宓

義不掩恩

宋大中祥符二年守太常丞王隨贊

賢哉先生

聖哉夫子

道貴希聖

勤斯行已

闕里服膺

國庠從祀

載享侯封

式昭德美

唐玄宗開元二十七年從祀孔廟追封汝陽伯宋

真宗咸平三年加封鄆城侯明世宗嘉靖九年改

稱先賢子蔑子

先賢公孫子

名龍字子石湖廣荊州府人少孔子五十三歲



聖賢像贊

五三

宋高宗紹興十四年御製贊

黃伯著祀

公孫是云

彌縫中道

協輔斯文

藏修方異

漸漬甚勤

史詞不忘

播爲清芬

宋大中祥符二年兵部員外郎王曾贊

子石鉅賢

探微博古

稟粹荆衡

從師鄒魯

令聞不已

儀刑斯覩

展義疏封

遂荒故土

唐玄宗開元二十七年從祀孔廟追封黃伯宋真

宗咸平三年加封枝江侯

明世宗嘉靖九年改稱先賢公孫子

先賢秦子

名商字子丕山東兗州府人少孔子四歲



聖賢像贊

五十四

宋高宗紹興十四年御製贊

孔父秦父

相尚以德

俱生賢嗣

相與維則

是父是子

致詰疇克

會弁儒林

令名無極

皇明山東布政司理問呂元善贊

一姓兩賢

商年爲最

以吾一日

何況四歲

受教應先

故當出類

門籍無妨

謙處後位

唐玄宗開元二十七年從祀孔廟追封上洛伯宋

真宗咸平三年加封鄆城侯明世宗嘉靖九年改

稱先賢秦子

先賢顏子

名高字子驕山東兗州府曲阜縣人少孔子五十歲



聖賢像贊

五十五

宋高宗紹興十四年御製贊

瑯琊之伯

其惟子驕

微言旣彰

德音孔昭

已觀雩舞

同聽齊韶

歷千百禩

跂想高標

宋大中祥符二年戶部郎中戚綸贊

魯國諸生

顏氏爲盛

達者升堂

是以希聖

龍章載加

侯服輝映

名著遺編

人師徃行

唐玄宗開元二十七年從祀孔廟追封瑯琊伯宋

真宗咸平三年加封雷澤侯

明世宗嘉靖九年改稱先賢顏子

